

þessu efni mætti hafa, þegar um jafnörðugt og þýðingarmikið löggjafaratríði er að ræða. **106**
6. júlí

Þetta er yður hjer með þjónustusamlega til vitundar gefið til þóknanlegrar leiðbeiningar og birtingar í B deild Stjórnartíðindanna.

Brjef ráðgjafans fyrir Island til landshöfðingja um að sóknarpresturinn í Helgafellsprestakalli skuli búa í Stykkishólmi eða þar í grend. — Eptir mótuöku þóknanlegs brjefs yðar, herra landshöfðingji, dagsett 29. marz þ. á., hefir ráðaneytið allraþegnsamlegast lagt það til og hans hátign konunginum þann 25. f. m. allra-mildilegast þóknast að samþykkja það, að sóknarpresturinn í Helgafellsprestakalli í Snæfellsnesprófastsdæmi skuli hjer eptir skyldur að búa í Stykkishólms verzlunarstað eða rjett þar í grendinni, eptir því sem biskup nánara kveður á um. **107**
8. júlí

Þetta er yður, herra landshöfðingi, hjer með þjónustusamlega til vitundar gefið til þóknanlegrar leiðbeiningar og birtingar fyrir hlutadeigendum, svo og til auglýsingar í B deild Stjórnartíðindanna.

Brjef landshöfðingja til sýslumannsins í Árnessýslu um styrk til gufubátsferða með suðurströnd landsins. — Samkvæmt beiðni sýslunefndanna í Árnessýslu og Rangárvallasýslu, tillögum yðar, herra sýslamaður, í þóknanlegu brjefi, dagsettu 30. f. m., og sýslumannsins í Rangárvallasýslu í brjefi, dagsettu 21. s. m., vil jeg hjermeð af fje því, sem í 12. gr. C. a. hinna nügildandi fjárlaga er veitt til gufubátsferða í Sunnlendingafjórðungi og á Faxaflóa, veita til gufubátsferða í Sunnlendingafjórðungi milli Reykjavíkur og Eyrarbakka á þessu sumri 750 krónur til móts við 250 krónur samtals úr sýslusjóðum tjeðra sýslufjelaga. **108**
8. júlí

Þetta er yður, herra sýslamaður, hjermeð þjónustusamlega til vitundar gefið til þóknanlegrar leiðbeiningar og frekari ráðstöfunar.

Brjef landshöfðingja til stiðtsyfirvaldanna um lántöku handa prestakalli. — Samkvæmt tillögum yðar, herra amtmaður, og yðar, herra biskup, í þóknanlegu brjefi, dagsettu 10. þ. m., vil jeg hjer með veita samþykki mitt til þess að presturinn að Prestsbakka í Vesturskaptafellsprófastsdæmi, síra Magnús Bjarnarson, taki allt að 3500 króna lán upp á tekjur prestakallsins til þess að byggja á prestssetrinu íbúðarhús úr timbri, 18 álna langt, 6 álna breitt, 4 álnir undir lopt, með 1½ áln. porti og skúr fram með annari hliðinni, 5 álna breiðum en jafnlöngum húsinu og með kjallara undir húsinu, 5 álna breiðum og 12 álna löngum. Á húsið og skúrinn að vera með járnþaki og járnvarið á hliðum og **109**
20. júlí

109 göflum, en að öðru leyti að öllum frágangi svo sem segir í lýsingu prestsins og 20. júlí áætlun smíðsins, þeim er fylgdu með áður nefndu brjefi stípsyfirvaldanna. Herbergjaskipun sje eins og sýnir uppdráttur sá, er einuig var sendur hingað með nýnefndu brjefi. Ennfremur er þetta lántökuleyfi þeim skilyrðum bundið, að síðari helmingur lánsins ekki verði útborgaður fyrri en sannað er með regulegri skoðunargjörð þar til útnefndra manna, að húsið sje fullgjört og í áskildu standi, að lánið verði ávaxtað og endurborgað af tekjum prestakallsins á 28 árum samfleytt frá lántökudegi að telja með 6% árlega af hinni upphaflegu lánsupphæð, að sannað verði á fulltryggjandi hátt, að húsið sje traust og vel vandað, að húsið með eldavjel og nauðsynlegum ofnum verði eign prestakallsins, enda mega þá niðurfalla eptirnefnd bæjarhús: svo nefnt austurstofuhús, bæjardyr, skemma, búr og smíðja, að húsinu sje, undir eptirliti prófasts, haldið í eldsvodaábyrgð fyrir 4500 kr. að minnsta kosti, og að presturinn eða dánarbú hans skili húsinu við burtför hans eða fráfall í góðu og gildu standi eða með fullu álagi.

Þetta er stípsyfirvöldunum hjer með þjónustusamlega til vitundar gefið til þóknanlegrar leiðbeiningar og frekari birtingar, að því viðbættu að hið umrædda lán mun geta fengizt úr landssjóði.

Viðauki

við

fjallskilareglugjörð Skagafjarðarsýslu.

Um fjárrekstra almennt.

1. gr.

Hverjum rekstri skulu fylgja nægilega margir rekstrarmenn, duglegir og vel útbúnir, en það álízt nægileg tala, er 2 menn reka allt að 100 fjár, 3 menn allt að 300, og svo fleiri menn eptir líkri tiltölu, ef fleira fje er rekið í einum rekstri, en ekki mega þeir jafnframt hafa önnur störf á hendi, ef ekki er betur mannað. Ekki mega að jafnaði vera færri en 2 rekstrarmenn, nema bæjarekstur sje.

2. gr.

Hvort sem rekstrarmenn eru fleiri eða færri, skal ávallt einn vera yfirmaður, er annist um, að þessum rekstrarreglum sje hlýtt, og ber hann ábyrgð á því gagnvart þeim, er kynni að kæra, en hann á aptur aðgang að samrekstrarönnnum sínum, ef þeim er um að kenna. Þó hvílir ábyrgðin að eins á hverjum einstökum rekstrarmanni, ef brotið er svo mikið, að það heyri undir almenn hegningarlög.